

江夏縣志卷之一

武昌府江夏縣知縣陳元京纂修

沿革

江夏楚會附郭望邑也溯其原委辨之蓋尤不可不詳矣江爲楚巨浸而夏其汜之最江夏之稱首見於楚辭二水之上游滙爲雲夢藪漢郡治在雲夢境郡以是得名至隋乃移其名於今邑則以二水交會之接壤下流而自是後先稱謂然遂致多郡縣互淆者矣則江夏之名之原委宜辨也邑有其境前爲鄂縣爲沙羨爲汝南

江夏縣志

卷之一

沿革

一

鄂併武昌沙羨兼今嘉魚蒲圻吳乃分置蒲圻晉復析西南境今嘉魚地置沙陽東晉汝南因其地隋則江夏又兼咸寧至宋分置咸寧乃爲今江夏蓋名定於隋境成於宋而潘疆域序乃謂隋前疆域鮮定界開皇中定今縣治未深考也則江夏之境之原委宜辨也邑有所附或首附或外附兩漢郡治西陵而邑外附吳郡屬武昌亦外附自劉宋徙江夏郡而邑始附郭而舊志多沿統志而誤則江夏所附之原委宜辨也若夫邑之所治覈實尤難潘序謂沙羨治江夏郭志謂古治舊傳在石

子岡今沙子嶺疑是然其地僻陋勢不可城且無明驗
豈縣南四十里之石子嶺抑水經注所云沙陽東北石
子岡之有故城者耶夫酈注固亦云沙陽縣治本江夏
之沙羨矣則沙羨亦安見其必治今江夏也按水經云
沔水南至江夏沙羨縣北南入於江明沙羨在沔之南
矣又云江水東逕小軍山南又東北至江夏沙羨縣西
北沔水從北來注之明沙羨在江沔之東南矣此則據
兩漢之沙羨言之也故曰江夏矣如吳時則當曰武昌
沙羨也酈氏注云沔左有却月城故曲陵縣後乃沙羨

江夏縣志

卷之一

沿革

二

縣治昔黃祖所守此則據祖拒吳時僑置之沙羨言之
也注又云夏口城魏黃初二年孫權所築亦沙羨縣治
則又必據吳立武昌郡分置蒲圻後之沙羨言之也經
傳蓋異時互舉矣夫祖爲荆守防宜江北權爲吳守防
宜江南者勢也舊傳吳始築城黃鵠山明前此無城矣
一統志稱城取對岸名夏口而江北之名始晦明前此
江之南無謂夏口者矣唐李賢乃謂黃祖立沙羨屯又
名夏口戍皆在今治迹其治江設戍然悉在漢陽苟其
江南之守先之黃祖何爲夏口之城始於孫吳謂鸚鵡

洲之在南耶不過祖讎遊之地謂鸚鵡寺之宅禰耶亦或
衡僑寄之居不可爲據矧水經注亦云沔左衡遇害於
此也則舊志之所證尤非也晉邑治因之復屬江夏郡
東晉僑置汝南郡治塗口而邑後亦易名汝南至劉宋
義熙元年始徙江夏郡治今邑兼置郢州卽夏口故城
治之曰郢城隋初復治塗口而郢城如故開皇中始稱
江夏縣定今治迄宋定今邑境乃至於今不易而曩何
興廢靡常也則江夏所治之原委尤宜辨而難辨者也
至夫邑所隸之都會晉宋以來代爲王侯國唐後爲道

江夏縣志

卷之一

沿革

三

爲軍爲路爲省雖熊封非啟茲土而後已世紀雄藩其
原委則又江夏之所獨宜詳辨者矣形勢則捷搯津要
風土則薈萃靈奇池隍而墉山塹江睥睨而隣吳瞰蜀
屏翰之寄蓋萬禩鞏磐石而奠金甌也已邑之顛末已
具郭張潘三志序中星霜迭變藜棘幾蕪獻老崧喬文
彫金薤別畛殊名固何能躡耳而信目也序表所斷質
信存疑更攄蠡識以俟閱博

郭志舊序云江夏者何按水經曰江水東至華容夏水
出焉又東左得二夏浦又東北江夏沙羨縣應劭曰沔

水自江別至南郡革容爲夏水入江故曰江夏玉海水
北曰瀘漢水曲入江夏遂名夏瀘是江夏之得名以水
也在虞夏俱屬荊州周彝王時諸侯相伐熊渠興兵至
鄂曰我不與中國之號諡乃立子紅爲鄂王始名鄂漢
高帝六年置江夏郡領縣十四是漢之江夏蓋以爲郡
而今之漢黃承德暨中州之羅山光州等邑皆古江夏
地兩所謂沙羨則吾邑也然高帝江夏郡置治沙羨則吾
邑之爲都會自漢然矣三國時黃祖守江夏始於沙羨
置邑則吾邑之爲邑自黃祖矣漢獻帝二十年權備分

江夏縣志

卷之一

沿革

四

荊州以江夏郡屬權權析江夏東境沙羨等縣置武昌郡
而以西境安陸等縣仍爲江夏郡則三國之江夏在今
之德安諸邑而吾邑之隸武昌自三國然矣晉武帝平
吳以武昌隸江州江夏隸荊州則武昌與江夏析而爲
二矣又江夏郡七縣武昌郡七縣而沙羨屬武昌則江
夏自江夏而吾邑自武昌也晉太康初析沙羨西南境
置沙陽析西境益蒲圻咸和中以汝南民流寓立汝南
郡治塗口太元初爲汝南縣則晉之江夏廢而吾邑爲
汝南矣宋孝武帝孝建元年析江夏治安陸郡始徙江

夏郡治夏口則宋之江夏郡得治吾邑而吾邑爲郡自宋然矣南北朝爲郢州爲北新州復於沙陽置沙州隋廢江夏郡爲鄂州又江夏郡四縣而江夏屬焉改汝南曰江夏則隋之江夏始不以名郡而吾邑之有專名自隋時矣唐初改郡爲州平蕭銑改爲鄂州天寶初仍爲江夏郡大都督武昌軍節度屬江南道領縣七宋爲荆湖北路元立荆湖等路行中書省鄂州路則郡或以江夏名或以武清軍名或以鄂名而吾邑之爲江夏如故也國初旣降陳理遂更爲武昌路改爲府江夏首隸邑

江夏縣志

卷之一

沿革

五

名如故太史氏曰江夏之得名以夏汭而夏汭自周時江夏自漢時然爲郡爲邑時析時合而吾邑之爲江夏獨擅其名蓋所從來遠矣

張志舊序云混沌旣開江之爲土必有所隸然攷禹貢職方紀其名無徵焉周爨王時楚子熊渠始大封其子紅爲鄂王故城在今武昌縣距江夏二百里維時分王僭號以侈雄圖當必濱江之地而有之乃爲鄂王也故稱鄂渚稱鄂州者其實也稱江夏者其名也按宋書地理志江夏郡治安陸後徙夏口一統志江夏郡在雲夢

縣北一十四里又雲夢縣境有廢西陵縣爲晉江夏郡外城則漢晉以前凡言江夏皆在安陸惟統志復云漢置江夏郡治沙羨因此成譌而黃祖曾爲江夏太守其殺禰衡處在今江夏鸚鵡洲遂疑沙羨卽古江夏郡治者非也嘗攷前漢地理志江夏郡屬縣十四首西陵註云有雲夢宮而沙羨爲別邑則西陵正古江夏郡治統志所謂雲夢西陵廢縣爲江夏郡外城者也歷考漢志如京兆之首長安河東之首安邑太原之首晉陽汝南之首平輿南郡之首江陵皆卽倚郭爲郡治江夏郡旣首西陵不當復治沙

羨也劉表以黃祖爲江夏太守亦應仍治西陵其時數與東吳戰爭而夏口爲重地故提兵以駐之耳統志沔州江口有郤月城黃祖所守地按此與史所載祖以兩艘幢挾守沔口之說合沔口在漢陽西南三十里今名沌口若祖拒吳爲今江夏不應反扼塞於上流也或曰漢陽城北亦有郤月城相傳祖之所守當時沿江置戍是不一城但以挾守沔口按之則在沔口者爲正而今江夏可不問而定其非矣然古夏口亦非今之夏口夏口者春秋所謂夏汭楚辭所謂夏首也一統志云本在江北自孫權築城取

對岸名夏口而江北之名始晦史又稱吳以程普爲江夏太守治沙羨蓋其時江北地非吳有僑置之耳晉則江夏郡治仍在西陵惟劉宋始於沙羨置江夏郡隋初廢郡改汝南縣曰江夏其名其實遂相沿不改然前代江邑嘗治塗口塗口者今邑南六十里之金口鎮也卽古沙羨亦非今治按水經著江水東逕大軍山南又東北至江夏沙羨縣西北沔水從北來注之又東逕歎父山南又東逕魯山南魯山者今漢陽之大別山也觀其次第沙羨之非今治明矣世代無常疆場之事一彼一

江夏縣志

卷之一

沿革

七

此顧弗深考而載籍所傳烏足爲深據乎爰綜史冊奮獨斷著之於篇俾後此者有所徵焉

潘志舊序云按縣爲古鄂地其名江夏自隋始禹貢職方竝在荊州封內周彝王時楚子熊渠立子紅爲鄂王始名鄂秦曰鄂縣隸南郡漢分鄂地置沙羨縣隸江夏郡今嘉魚蒲圻皆古沙羨地而江夏其所治也孫吳赤烏中始於鄂渚築城取對岸名夏口而沙羨之名以晦晉武太康元年復立沙羨縣隸武昌郡東晉咸和中以汝南民流寓夏口僑置汝南郡治塗口尋改爲縣隋置

鄂州始改汝南曰江夏移治今所歷唐五代宋元明暨本朝無異名焉邑之沿革鄉先正論之詳矣近張太史因之作沿革表又頗訂其譌誤然亦互有得失如郭志謂漢高帝六年置江夏郡治沙羨三國時黃祖守江夏始於沙羨置邑張志引前漢地理志江夏郡領縣十四首西陵謂西陵正古江夏郡治黃祖爲江夏太守仍治西陵其言極辨此張之得也張表載晉太康中更沙羨爲沙陽縣按晉書地理志武昌郡領縣七五曰沙羨六曰沙陽沙羨沙陽各自爲縣與張說不符郭序謂晉太康

江夏縣志

卷之一

沿革

八

初析沙羨西南境置沙陽是沙陽本沙羨故地分而爲二此郭之得也至張謂夏口卽春秋夏汭本在江北又據水經注謂沙羨亦非今治與郭更相發明要之世代變更其間廢置分併殊難臚舉綜其大致則郭先得其十九也故爲按方域攷史書稍加折衷仍列表目而備載郭張之論於左

沿革表

總轄

國

地名

郡府

州路

縣

虞

--	--	--	--	--	--	--	--

漢	秦	江夏縣志	周	夏
	今隸之南江郡陵卽		卷之一	
		沿革	鄂縣城爲封間甚屬彘 也是在鄂鄂其民得楚王 邑武鄂王子和江熊時 亦昌王始紅始漢渠地	
		九	渚故邑不非地卽北夏北蔡入曰地春 亦故宜是屬漢之汭曰傳江漢左秋 稱鄂入邑漢漢口夏者汭曰處水傳夏 鄂地表地陽也口江則水書曲註汭	
郡郡縣有志安理地安爲四縣在郡年漢 治外爲廢云陸志宋陸古里北今治置高 在城江西雲一云書二西雲一雲西江帝 二是夏陵夢統治地縣陵夢十夢陵夏六				
	據所謂羨圻今縣 治江地皆嘉名 無夏舊古魚沙 確其表沙蒲羨			

國三		江夏縣卷	漢東		
			卷之一		
				沿革	
南名岸築始初江夏 然乃夏城於二北口 亦在口取鄂年魏本 假江之對渚吳黃在	者入廢云漢北之屯 謬之北縣有陽者僑亦 甚是舊在沙羨矣置必 邑表漢羨志今江祖	十	羨城左經在祖口江江夏羨黃 縣後有注江所之南北口屯祖 治乃却云北守稱無祖戌又立 是沙月沔水盡凡夏時在名沙		
昌等東權江分十漢 郡縣境析夏荆年興 郡置沙江郡州權平 治武羨夏屬以備二	今者必地志治江以十獻謬 邑然僑非謂沙夏程四帝甚 亦置吳江羨太普年興 非之有北舊守領權平		以亦到與所今以鎮夏治夏黃 爲此夏昭云漢拒移口西太祖 是舊口烈劉陽吳守爲陵守爲 邑志者俱琦史在此重以仍江	羨又而西首兩邑 者謂一陵西漢之 謬治統爲自書間 沙志正以俱故	
沙城年魏部屬置吳 羨曰吳黃武蒲分沙 治夏始初昌圻沙羨 今口築二右縣羨	此羨太祖後當策此羨之 也者守爲人卽軍以縣僑 必治江之在拒於 以沙夏譌是至吳於沙		七漢却云考軍祖策平史沙漢 里陽月沔水至十進四獻羨末 必縣城左經沙二擊年帝孫興 祖北在有注羨月黃		

	江夏縣志	晉	
	卷之一	荆 舊改 以武 州 表隸 武帝 者 謂江 昌平 誤 隸州 郡吳	
	沿革		
	十一	夏仍 郡復 爲江	者 夏山 志江 地之 後其 誤 口川 入南 之而 遂名 夏志 表也 實非 治於 訥紀 並舊 在其 稱城
			省武 時武 昌 沙昌 郡 羨縣 後 屬其
<p>沙尋 復爲 始據 省太 夏沙 元書 沙康 沙本 沙水 是六 陽又 立沙 更此 併元 口羨 年謂 陽中 羨江 陽經 二曰 矣專 沙陽 沙則 沙三 孝縣 復太 縣改 晉夏 縣注 縣沙 潘爲 羨繼 羨晉 陽年 武治 立康 宋曰 太之 治云 矣陽</p>		<p>五都 理按 陽南 析太 年魏 以久 至急 地時 築赤 舊邑 曰領 志晉 縣境 沙康 爲黃 水時 權不 防兵 夏烏 志始 沙縣 武書 置 羨元 定初 經也 帝當 所爭 口時 謂此 羨七 昌地 沙 西年 二 注自 已遲 必要 城始 吳</p>	

唐	隋	梁	齊南	江夏縣志 卷之一 沿革 十一	宋	
山貞 南觀 道中 隸						
	尋為大 廢江業 夏初 郡復					
		江夏郡	江夏郡		治始 江於 夏夏 郡口	金塗汝 口民 中東 口口南 乃流 以晉 今郡 僑寓 汝咸 名治 置夏 南和
乾郢 元州 初復	置廢文 鄂江帝 州夏平 郡陳	北分 新郢 州州 置	郢州		詳郢黃 置孝 城城鵠 郢建 池遺山 州初 址有 今兼	
江夏縣	兼時 始口 此夏 江改 咸江 移開 仍名 夏汝 寧夏 今皇 治邑 縣南 地又 治中 塗始 江曰		汝南			為太亦 地羨 或然 二析 而沙 更志 汝元尋 分白 合雖 者沙 以陽 沙謂 南初廢 而是 而或 得羨 郭者 羨張 縣改矣 名其 沙分 之為 序非 為表

國朝	明		江夏縣志 卷之一 沿革 十三	元	宋	五代		
仍之	太祖既降 陳理改爲 省會隸湖 廣承宣北 布政司			隸湖廣行 省中書	隸荆湖北 路	唐遠軍改清 南唐復爲 武昌軍	乾元初道隸 江西南西 節度使隸 永泰間隸 鄂岳觀察 使	元初置 武和軍節 度使
	藩封曰楚							
仍之	武昌路 改武昌府 爲武昌路	武昌路		改元中置 至元中置 鄂州中路 大鄂中路 改	鄂州	鄂州	爲鄂州	
仍之	江夏縣			江夏縣	分置咸寧 縣	江夏縣		

江夏縣志卷之一

武昌府江夏縣知縣陳元京纂修

星野

天象見於上人事應於下息息相通理有固然我
皇上欽若昊天歲

頒時憲書於中外雖異域殊方而太陽之出入不差晷
刻所以撫五辰而凝庶績也楚地星分翼軫江夏屬
翼軫之下官司畢萃於茲土事蹟首冠乎百城休咎
之徵各以類應望候占雲不可按度而稽也哉作星

江夏縣志

卷之一

星野

一

野志

周禮保章氏以星土辨九州之地封域皆有分星以觀
妖祥鄭注曰鶉尾楚也

春秋元命苞曰軫星散爲荊州江夏入軫十二度史記
天官書翼爲羽翮主遠客軫爲車主風正義曰翼二十
二星軫四星長沙一星轄二星皆爲鶉尾於辰在巳楚
之分野

又曰吳楚之疆候在熒惑占於烏衡

前漢書天文志翼軫荊州又曰丙楚

蔡邕月令章句起張十二度至軫六度爲荊州晉書天文志天文經星次東南星曰司空主墳主楚十二次度數自張十七度至軫十一度爲鶉尾於辰在巳楚之分野屬荊州州郡躔次翼軫楚荊州江夏入翼十二度星經玉衡星主荊州又云熒惑主楚又云翼二十二星凡十九度軫四星凡十七度

宋天文志天市垣西藩十一星二曰楚又北斗第二星曰璇其分楚

元志鄂州北極出地三十一度半蘇辰圖注軫十度楚

江夏縣志

卷之一

星野

二

之尾

國朝通志分野治漢川漢陽踰武昌泛樊口入黃州括二郡全境以至德安之安陸雲夢應城孝感其地爲江夏郡入翼十二度

張太史邑志荆爲禹貢九州之一江夏附焉歷考星屬其辰巳其北斗玉衡其五星熒惑其五行丙丁其天市西垣其十二次舍鶉尾其二十八宿翼軫

江夏縣志卷之一

武昌府江夏縣知縣陳元京纂修

疆域 形勝附

守封疆者以一省爲疆域官郡伯者以一府爲疆域
縣令則但治一邑大小繁簡稱疆域以區分焉隋開
皇中定今縣治沿及前明不改江夏久爲熊封首邑
里六十有三西阻大江東南自城及鄉獨廣而饒北
則次之菁英之所萃風化之所先洵冠百城而上之
矣作疆域志

江夏縣志

卷之一

疆域

一

張舊序云環百里之地而爲邑其勢猶大於古之諸侯
也江夏孑然都會又非若陝之咸安福之閩官江浙之
上寧錢仁倚郭雙建相依如左右手猶或弛於擔負也
時平則簿書期會送往事居長吏曾不得帖席而假寐
焉猝有軍旅之役資糧靡屨芻茭樓艦夫挽之供鞭長
不及者尚需時而首地有獨肩其困者矣故稽其封域
僅當列縣之一其難至與全楚等語曰拔一髮而頭爲
動江邑之謂矣權望繁恤劇疲其未可與他屬等類觀
也

四至

東陸路七十里至武昌縣界

南陸路一百三十七里至咸寧縣界

西水路七里三分渡江至漢陽縣界

北水路七十二里至黃岡縣界

驛路

西南六十里為金口水驛

東北一十二里為將臺馬驛

東南六十里為東湖馬驛

江夏縣志

卷之一

疆域

二

南一百二十里為山陂馬驛

舖遞

總舖

長虹橋

和尚橋

新館橋

石子嶺

紙坊

獅子橋

龍泉舖

新市舖

聚仙舖

誠信舖

潘杲舖

以上縣南

將臺舖

冷水舖

長山舖

土橋舖

山口舖

以上縣東

孟城舖

橫山舖

青山舖

官屯舖

以上縣北

編戶六十三里

順治三年下
實六十二里
併歸

興仁里

崇仁二

崇文三

附城村

從善村

附籍一

附籍二

仁受里

茂和里

嘉會里

宣明里

弼化里

崇文一

河街一

河街二

河街三

河街四

草埠村

通會一

通會二

以上在城

來蘇二

來蘇三

來蘇四

永豐一

永豐二

上西徑一

上西徑二

下西徑

橫山村

招賢村

保安一

保安二

太平一

太平二

黃鶴一

黃鶴二

江夏縣志

卷之一

疆域

三

上鸚鵡一

上鸚鵡二

下鸚鵡

修賢一

修賢二

修賢三

夾山一

夾山二

夾山三

龍泉一

龍泉二

龍泉三

湘東一

湘東二

湘東三

長樂村

積善一

積善二

積善三

依仁一

依仁二

依仁三

三城一

三城二

三城三

三城四

以上在鄉

坊里三十

城內十七
城外十三

仁壽上舖

仁壽下舖

崇文三舖

崇文四舖

崇文五舖 崇文七舖 通茂興舖 保護營

賓陽中和 新有局舖 新左二舖 新興一舖

新興三舖 新興五舖 右零前 前所營

後所營城以上 金沙洲 保新一舖 保新二舖

保新三舖 大東門外 馬頭營 駕園舖

中所舖 大新接上 大新接下 河街三四舖

河街六九舖 河街十舖城以上

形勝附

吳趙咨對魏主吳帶甲百萬江漢為池

江夏縣志

卷之一

疆域

四

記室新書扼束江漢襟帶吳楚

晉左思吳都賦郊署之內奧都邑之綱紀

齊志地居形要控接湘川邊帶漢沔

劉宋何尚之議夏口在荆江之中通接雍梁實為津要

沈約齊故安陸昭王碑文夏首藩要任重推轂衿帶中

流地 江漢南接衡巫風雲之路千里西通鄴鄧水陸

之塗三七是惟形勝闔外莫先

喬大觀南樓賦地接峴荆江吞雲夢

南齊志夏口城據黃鵠磯邊江峻山險瞰臨沔漢

唐趙環鄂州新廳記當荆吳江漢之衝要

元伯顏鄂城議襟山帶江江南要區

元元明善武昌路學記墉山而城塹江而池

國朝郡志江夏形勢西有長江之險東有九峯之隘山川
環護風氣所鍾其金城山壁峭如城吳陸渙曾屯兵旅
夏汭要扼夏首梁侯瑱嘗積餼糧夜泊山與白楊湖曹
公城及黃軍浦均屬地利往蹟攸存

江夏縣志卷之一

武昌府江夏縣知縣陳元京纂修

山川志

天子祭天地諸侯祭境內山川以其分所應祭者定爲祀典江夏居省會地萬水千山不可勝舉其大者如高觀山洪山至滔滔江漢南國之紀則又汪汪乎千頃波矣督撫準古之諸侯躬親祭祀山川社稷壇之設因其艮止坎行之性有關於地脉有係於蒼生典至重也豈徒供考核恣遊覽也哉作山川志

江夏縣志

卷之一

山川

一

山

黃鵠山城內西南山自咸寧南來入邑北行復折而西邈迤數百里起伏蜿蜒至城東縣亘如長蛇奮躍而噉江俗謂之蛇山黃鵠翹然其首也磅礴鬱積楚會之勝鍾於此水經注云船官浦東卽黃鵠山林澗甚美山下謂之黃鵠岸岸下有灣目之爲鵠灣岸與灣今無其稱也山盡處有磯曰黃鵠磯鐫石題名處旁爲呂公洞其地當頭陀寺後與城倚懸巖曲均處冷風雖盛暑沁骨故絕蚊蚋俗乃謂仙塵拂去也山舊名紫竹嶺以有黃

鵠騰紫竹間得名頭陀寺故□稱竹林寺也黃鵠之稱亦以此不詳何時孫吳築夏口城於此□□鵠城矣一曰黃鶴山李太白有詩江中有洲曰黃鶴洲蠹山之首爲黃鶴樓傳有仙人乘鶴事或謂鶴卽鵠音也又曰石城山陸游入蜀記稱之緣起無考

高觀山城內東南爲蛇山中峯高可矚遠故名或以爲高冠以狀肖也楚藩易名長春山位黃鵠東又曰東山石城方伯徐惺相勢窿埤構別墅僑居於此曰東山小隱樓臺軒閣勝絕一時詳顧景星記今廢矣東有鳳凰

窩卽龍牀臺後爲玉皇閣東陽洞近焉又有清風明月二井山半爲爛柯石西有烏龍池今有呼烏魚池者傳昔有鱧崇事山巔更崛起圓堆阜俗呼望兒臺傳因讞楚宗獄於貢院中王母於此望之故臺也山之陽爲楚藩故宮

一字山俗名狗兒山在黃鵠山後府署建其陽

臙脂山在縣東南山脊皆石色赤如脂一名鞭指山

崇府山在縣東明崇陽王府在其麓

鳳凰山在縣北吳黃龍元年傳有鳳凰來集故名其下

爲縣署爲貢院爲縣學宮爲都察院署今都察院遷駐前所營僅存遺址舊院署後爲雄楚樓山有白土不方丈許可爲銷銀丸學宮之秀所鍾也工匠常竊取之當爲厲禁山麓爲鳳凰窩有孟母塚今在貢院圍牆內唐岑參詩路指鳳凰山外雲卽此山也

礮架山在縣東北城堞倚以爲重今呼北城山

梅亭山在高觀山南三里中和門子城上山頂有明太祖分封御製碑文有亭曰封建亭

硃石山環山巨石嶙峋因名後訛呼猪市山山頂自唐

江夏縣志

卷之一

山川

三

有樓曰南樓城中有三南樓此其一也又名梳妝亭今廢傳爲吳偉遇仙處

蕭山在梅亭山西北晉蕭丹所隱居也石壁巉巖南城倚以爲重下有蕭山磯古舟師篙跡猶存

紫荆山縣東北一里至正二十四年明太祖駐師於此勒石山頂禁營者西北石壁有呂仙臥跡

雙峯山在賓陽門外一曰白鶴山上有真武觀又爲雙峯觀又孝感祠祀孟宗處山麓北爲白鶴觀以進士吳白鶴讀書觀中觀與山所由名山爲省城來脉

小龜山在紫荆山東一里

石子岡去紫荆山東三里今呼沙子嶺相傳古縣治建此地非扼要且陜隘恐傳之誤也

洪山在縣東十里舊曰東山嵯峨崛起山下有寶通寺山半有寶通塔邑之鉅觀唐寶歷時隨州大洪山釋慈忍禱雨斷足宋末隨數被兵荆湖制置使孟珙遷其衆奉所留佛足至此遂沿呼爲洪山矣古有東山賦鑄山石榛莽間鳥跡蟲紋剝落不可讀宋趙淳卽山之勝處架木爲閣榜曰東巖狀其石而名之曰雲根雲扃伏仙

江夏縣志

卷之一

山川

四

飛雪棲霞半霄清歎爽塏巉巖堆雲翠屏獅子峯山之巔爲黃鵠亭具見東山記中又有怪石爲窪樽狀可酌飲也記勒塔後石壁積蘚斑駁已半漫漶康熙癸酉吳元俊摩視揣而得之詩紀其事明楊士奇亦有記歲久傾圮滿目荒涼前制府永撫軍姜重興土木今制府畢撫軍福復倍殫其功正殿旁廊靡不金碧生輝嗟夫現六丈之金身再窺色相登七層之寶塔竟接蒼穹萬水千山扼其要會晨鐘暮鼓傲彼愚頑其規模不亦宏且遠哉

鉢盂山在縣東十里山爲省城來脉折而北爲洪山
金城山在縣東南二里峭壁如城相傳吳將陸渙屯兵
於此

清平山在縣東南五里其上清曠平衍

櫟山在縣東南十里山多苞櫟

貴子山在縣東十二里

伏虎山在縣東十五里

九鯉山在縣東北十里麓分九枝突出水面若魚尾然
梁城山在縣東北十六里梁武築城屯兵於此因名

江夏縣志

卷之一

山川

五

羅迦山在縣東北二十里湖濱

半城山在縣東北二十里山上草木半隱半出因名按
一統志有半面山以山半面產木名在府城東一百二
十餘里而志不載豈卽此山耶

馬岐山一名來王山在縣東北二十五里南有蠻王塚
俗呼喻家山

馬鞍山在縣東北四十里

長山在縣東北四十五里下有烈婦塚

鐵磯山在縣南四十里

管家嶺在縣東五十里楚藩賜長史管訥黃屯山地後人因家於此

沙子嶺在縣東五十里爲省脉九峯分支之祖

長嶺山在縣東七十里

槎山在縣東七十里孤岑獨峙高可數十仞殊多幽勝山麓有寺曰槎山寺唐時有巨蟒爲害食畜類間亦食僧一夕有三人至張姓翼軫奎其名也求寄宿寺僅一老僧告以實其人曰無害耳吾輩能制之是夜斬蟒且毀其穴寺後石上足跡存焉教諭張紹良有記山頂有

古寨遺跡山多產蘭里人敬菴八景題咏有瑞草春香之目

九峯山在縣東五十里列峯九曰獅子曰鉢盂曰寶蓋曰沙碧曰石門曰陽邏曰馬驛曰丁管曰黃蘗獅子峯尤形勝地楚藩命茶鹽二商出金建寺五千四百八十間如藏經卷數以居高僧無念相傳募楚王但袈裟地以一衲覆九峯徧俗神之洪武末年勅賜正覺禪林額松柏蒼蔚清泉泠泠出於方井烹本山茗不啻惠山泉味洪武九年賜有御製詩文番銅佛白龍鬚麈犀皮鞮

甘露瓶千佛衣金鉢孟碧玉環特篆勅文勒雙碑寺前
後復賜松花蕊詩馬太后賜錦綾二衲崇禎十四年衲
被兵劫去佛頂舊有辟塵珠今盜去山半石巖中爲學
公塔傳有墳裂三寸無念再來之語
盤龍山在縣東五十里
三台山在縣東北七十里又名藜山或曰雷山又曰雙
峯山兩山並峙境殊幽寂下有雙峙寺
八疊山在縣東北七十里與三台接繚曲往復山凡八
折幽絕之地

白湖山在縣東北八十里山之東爲武昌縣界

龍窩山在縣東北七十里

白羊山在縣東北七十里

花山在縣東北七十里

岐隴山在縣東北七十里聞有古寨遺跡

白土山在縣東北七十里土可搏埴爲器

吹笛山在縣東三十五里相傳關忠勇屯兵於此

豎旂山在吹笛山西

揚鑼山在吹笛山東

硯瓦山在吹笛山南

鼓架山在吹笛山北

碧雲山在縣東北六十里嚴家**試**湖中三面水環但來脉一脊耳高可半里面西石壁如削下有石壁寺山石骨無多林木惟土屋三楹水竹千竿而已舊志有石筆山謂狀如筆格橫亘長湖疑卽此山或爲石壁山之訛也姑兩存之

石筆山在縣東北六十里

烽火山在縣東北五十里梁末北齊清河王岳進軍臨

江夏縣志

卷之一

山川

八

江梁將侯瑱來逼江夏以伐齊屯兵於此築烽火城舉火相應故呼曰烽火山

黃泊山在縣東四十五里孟橋鋪山勢險峻上有石壁環列如屏

磨兒山在縣東二十里上有郊天臺相傳漢昭烈郊天處

青山在縣北三十里尾亘長湖首枕大江山下有磯曰青山磯上有洞庭廟宋季僑置黃陂縣治於此

黃屯山在縣東四十五里上有黃屯寺
四肢山在縣東五十里下有通山五郡王墓山爲省脈
豐禾山在縣東五十五里土人報賽處爲省脈靈泉分
支之祖

鶯耳山在縣東五十五里

靈泉山在縣東六十里漢爲江夏山唐爲夾山天寶時
易名靈泉今俗又呼龍泉山舊志分江夏夾山爲三者
誤也山祖豐禾北行爲省脈分折而東爲筆格峯逶迤
數里起爲龍帳峯山麓有興隆菴南出爲寶蓋峯爲圓

通寺橫龍嶺起爲玉屏峯又爲天馬峯下爲漢舞陽侯
墓宋張芸叟家此至明而冢宰鶴山出左爲方伯杜竑
及唐相李氏右朝陽坡則元大學士沈嵩菴居之自龍
帳峯東行復長亘數里爲黑石灣又爲父子巔有漢樊
英父子墓復折而北爲馬鞍峯東石蓮峯左去有深壑
曰清風洞北行盡處崛起雲表石筍峻嶒懸巖峭絕爲
黑虎岩下數百丈成低阜分左右環下靈泉寺踞其麓
寺在深谷中萬松上下鷹聲羣嘯最爲幽絕寺左爲石
門南爲駱駝灣西去爲珠山突起圓阜兩山環抱形勝

甲於一邑楚藩爲昭莊憲康靖端閔恭並賀氏之九塚
塚皆繚以周垣前有寺廟今他塚皆殘瓴斷甃惟昭塚
猶有存者圍圜幾百步高可數丈磚皆澄泥爲之稜角
無纖缺縱橫視之層累不可悉數廟基盤白石晶瑩若
玉四隅龍首翹然涓滴簷水皆自上石噴出甬道中方
石徑數尺許平城檻磴皆礪砥若瓊璇廟左平遠山房
客堂茶堂無不潔淨精微壁間嵌有諸遊覽名詩明
末兵燹無存有碑亭三碑廣數尺長數丈負以鼉屨廣
丈餘長數丈崇如之儼一石天成蠕蠕欲活俗傳爲崇

悉剔其爪一踣港岸遊覽之奇鍾毓之盛蓋於邑稱巨
觀焉

花山在靈泉山之東半里許山生紫荆故名瀕吾塘湖
層巒複岫繚曲幽深中最高峯俗呼鑼山若擁蓋狀其
上外圍輪郭中凸起均處足踊琅然投石鏗錡若撻金
爲前明諸賢春遊勝地

黃寶嶺在靈泉山東二里平岡耳蘭蕙成叢春時香風
滿野居人因稱之曰蘭嶺也

錦繡山在縣南七十里山多桃李花時爛如錦繡山之

陽有玉皇閣里人徐東松所建山爲省脉
大山在縣東七十里瀕大山湖俗呼犀牛山其形似
青山在縣東九十五里梁子湖中或曰淨山四面皆水
最幽勝地東去不里許爲梁子山面南有市戶口千餘
家兩山之中漲時盈盈一水涸僅溝瀆耳可徒行旁水
中有似鼓墩此江武二邑畫界處也舊志以梁子山爲
糧資山不知所據乃不分紀青山而以武昌有市之梁
子山竄入是邑濫矣今正之

東陽山在縣南七十五里省脉也自鴿子山來東去爲

江夏縣志

卷之一

山川

十一

錦繡山

鴿子山在縣南八十里又曰大覺山爲省脉八分分支
之祖山水中分如个字一曰个字山

香爐山在縣南七十里自鴿子來去爲八分

八分山在縣南六十里有水分流如八字旁有八分湖
建康錄云武昌有山無林政可圖始不可居終山分八
字數不及九卽此也頂有八分寺又爲慈雲寺自山麓
抵寺三里許昔駱禪師飛錫至此因建道場飛錫泉當
山之半雖旱不涸距數里有石洞逕石塘望山壁石甕

內一接引石佛懸石上鑄白雲洞三字字大近丈入洞處微黑中有無梁殿三字刻於石東折透迤半里始仰見隙中如月爲天竇卽透光崖也遊覽者止此更進極黑篝火始可入行僧無極往來其間述其初八有蝙蝠蛇蝎拂面呼云道友讓路諸蟲斂跡內極明爽別有兩小洞一煖一涼更進則遙見深壑疑龍宮也不敢入相傳唐貞觀時禱雨輒應元郡守李貞天旱步禱祠前見黑雲淳起雷雨大作爲建八分山泉新亭今土人以龍隱見占年山望如列屏形家言省會朝山亦邑南勝地

矣

犬觀山在縣南六十里土赤如金一名金華山

六老山在縣南六十里層巒聳翠如六叟相拱揖

嵎梁山在縣南五十里在湯孫湖水中

冶唐山在縣南五十里晉宋之所鼓鑄也

臥湖山在縣南五十里環山皆水

大華山小華山在縣南六十里紙坊湖濱有華嚴寺

豹子山在縣南六十里

石子嶺在縣南四十里

景首山在縣南六十里

金雞山在縣南六十里下有金雞寺山巔石崖鑄有千巖競秀萬壑爭流入大字山接鹿泉山有鹿跑泉舊志既以此八字紀於金雞寺之山而復以之稱大觀山舊通志獨以之稱大觀山沿此誤也舊志又謂金雞鹿泉二寺與鹿跑泉俱在六老山六老距此山甚遠誤益甚矣舊通志復云泉在大觀山則併金雞鹿泉而譌爲一者也今正之

鹿泉山在縣南六十里下有鹿泉寺有泉曰鹿跑泉以有白鹿跑泉於山之陽得名泉沸湧不涸旱禱有應山與寺亦卽曰鹿泉也

錦山在縣南七十里爲熊兆楨殉節處

夜泊山在縣南六十里元守將陳也先屯兵於此通紀爲夜婆山俗傳眞武飛身夜止於此山震撼去之大軍山魚氣腥聞乃去之武當也郭志以爲駱禪師飛錫所有飛錫泉亭今乃寥閔空山矣

河坡山在縣西南四十里瀕江

牛頭山在縣西南六十里

芙蓉山在縣西南六十里

獅子山在縣西南六十里

金磯山在縣西南六十里有西華觀傳爲初祖折蘆渡
江處環寺有蘆與常蘆異上有達摩亭植蘆中亭左有
驢跡環跡不生纖草傳爲果老牧驢處

迴峯山在縣西南六十里有迴峯寺屢修屢圯後爲金
口司程永冽竭力重修極鞏固壯麗焉

赤圻山在縣西南七十里一曰赤磯舊志以爲赤壁謂
楚有赤壁五此其一者恐烏林赤壁外餘皆音近之訛

江夏縣志

卷之一

山川

十四

也

雞翅山在縣西南五十里水經云江水又東逕雞翅山
北經先言大軍小軍則雞翅當在小軍之北矣舊志以
爲去縣八十里者誤也方輿記昔有金雞集焉因名或
曰金雞南飛產金於水乃曰金水矣

金屏山在縣西南七十里衆山環繞如屏有張睢陽廟
羽冠山在縣西南七十里塗口上爲羽冠渡一作禺觀
山一曰雨灌山

南廟山在羽冠上流十五里邊小河止一土阜旁有斬

龍臺形圓而高大可十畝

雨潭山在縣西南七十里

鑼鼓山在縣南七十里自鴿子山西折起疊數山獨出一峯秀麗可觀

珠璞山在縣西南七十里

蟒鱓山在縣西南八十里魯湖內山形似鱓故名

石簣山一名貴子山一曰桂子在縣西南九十里平地七峯上有貴山寺外數里有市曰法泗洲

斧頭山在縣西南八十里西梁子湖側山陽有市

江夏縣志

卷之一

山川

十五

紗帽山在縣南七十里

大槐山在縣東南七十五里晉李大槐之所隱居也

別秀山在縣東南八十里三峯競秀別於衆山

靈秀山在縣南九十里一峯竦焉上有仙人跡

鼓樓山在縣南九十里五峯竦秀如樓又名五樓

崇福山在縣南九十里上有唐時崇福寺廢基

仙人山在縣南九十里有仙人石二聞昔有仙奕石山

頂跡跡猶存詳具仙人石下

張公山在縣南與仙人山對峙

蘭嘉山在縣南九十里仙人湖濱吳忠烈墓在焉

螺山一名團山在縣南九十里仙人湖中每當夏溢一
山外浮若螺髻然

伏虎山在縣南九十里

黃陵山在縣南九十里南嘴湖泊中其東南有黃瓊祖
墓

呂冠山在縣南九十五里邑有陶所二一在西梁子梅
湖之濱一在茲山之陰

岳公山在縣南九十里新市舖相傳岳武穆征楊么屯

江夏縣志

卷之一

山川

十六

兵處

青山頭在縣南一百里峭壁巉巖有石筍傍峙湖濱

費禕洞在黃鵠山陽世傳費文偉修仙洞失已久天啟
五年張繼善重修武當宮山頂建四皇殿闢基而得之
洞凡三中一洞石上坐痕微深淨潔如頻來灑掃相傳
禕恒出入山下一夜城守者晤一道士與以錢精光灼
人太守索而藏之化爲瓦礫見楚會存書今又失其處
矣

呂公洞在黃鵠磯上舊傳有仙人隱其中嘗啟洞出遊

老兵遇之得黃金數餅後化爲石東坡有詩紀其事張
舜民南遷錄謂有軍巡夜逢三人衣冠甚古遺黃金數
片攜歸光彩煥發官覺收之則皆化爲石命藏之軍資
庫舊志云初無洞穴但石跡隱然如門叩之有聲俗傳
呂崑嘗題詩其上陸游入蜀記祇謂之仙洞以爲太白
黃鶴山詩早云千載空石室鄂人謂呂公洞者流俗附
會也

東陽洞在高觀山龍華寺後大石峻嶒當腹一洞鑿東
陽二字

江夏縣志

卷之一

山川

十七

張公洞在龍泉山相傳張宣尉屯兵於此

八分石洞曰白雲洞詳八分山

八家洞又名八個洞在縣南七十里雨潭山相傳昔有
八仙居其中常以什物借人後因借者不還以石塞其
門山出青石取之不盡其石之好勝於他山之石

水

江水逕江陵縣東得豫章口夏水所通此江與夏上游
合流之始也又東至華容縣西夏水出焉左迤爲中夏
水右迤南派至此則江與夏南北分流矣逕公安縣北

又東左合子夏口左迤北出復通於夏水故曰子夏則江自南而北又與夏合也江水自石首東流至監利又南流至岳州府夏水東逕監利縣南又西南自州陵東界逕於雲杜入沔則自是江與夏更南北分矣江自嘉魚入江夏境東逕大軍山南至塗口東合邑西南諸水又東逕小軍山南又東逕雞翅山北又東北流西合沔水爲沌陽太白湖東南流之沌水謂之沌口也又東逕歎父山南至鸚鵡洲東鮎魚口東合邑南諸水又東逕魯山南西合漢水亦卽沔水又夏水也故曰漢口亦曰

沔口又曰夏口矣禹貢至大別南入於江漢口當在山南水經注山左卽沔水口則沔在山北矣明史漢水舊逕山南襄河口入江成化初自縣西郭師口決從山北爲今之漢口則漢口又自始在山北矣至此則江與會漢沔之夏水而復合於下流者也北至白楊夾口南合邑北諸水又一百八十里至樊口西合邑東諸水夏水出江流於江陵縣東南水經注云江津豫章口東有中夏水是夏水之首江之汜也屈原所謂過夏首而西浮顧龍門而不見也水過華容縣南又逕成都郡故

城南又東逕監利縣南又逕雲杜爲雲夢之藪杜預云
枝江縣安陸縣有雲夢跨川亘隰兼苞勢廣江夏郡治
在雲夢境二水大於雲夢郡之所由名也至當陽縣與
陽水合爲中夏口史所稱曹操追備備與數騎卽趣漢
津遂濟夏口者也水經云又東至江夏雲杜縣入於沔
注云應劭十三記曰江別入沔爲夏水源夫夏之爲名
始於分江冬竭夏流故納厥稱既有中夏之目亦苞大
夏之名矣當其決水之所出謂之堵口焉自堵口下沔
水通兼夏目而會於江謂之夏汭也杜預曰漢水曲入

江夏縣志

卷之一

山川

十九

江卽夏口矣一曰漢口一曰沔口以在魯山亦謂之魯
口此則江與夏合之下流也二水合之下流爲邑西境
邑亦旣移郡之名而獨有之二水分合之源流蓋不可
不詳矣不得以孫權築城始借對岸名夏口後遂以鵠
磯江岸實之而志邑山川乃第夏口夏汭之紀其地已
也

滋陽湖一曰墩子湖內有墩隨水消長在高觀山之陽
一曰南湖夏以荷勝可資遊賞賀文忠殉節處

東湖在滋陽湖北一曰歌笛湖傳楚王於此種蘆以其

膜爲笛簧也今岸側猶多蘆

寧湖一曰明月湖在平湖門內

藩湖在藩司署後舊撫院前一名都撫湖爲縣學外泮
春夏水漲蘗荷的皪幽芬襲人

山門湖在縣南七十里

玉盆湖在縣南七十里

魯湖在縣南八十里

張誠湖在縣南九十里湖明時爲張氏湖以簡肅得名
斧頭湖在縣南百二十里

江夏縣志

卷之一

山川

二十

梅湖在縣南百三十里

西梁子湖在縣西南八十里通蒲圻嘉魚咸寧中有山

白釜山曰桂子曰靜寶皆深邃可遊春漲勢方大漁人
十倍於東梁闖逆瀰漫民間得附舟兩湖者始能全活

東梁子出樊口西梁子出金口去港各九十里入江

塗水在縣西南卽今金口也晉汝南郡建此至今商賈
輻輳人烟鱗集稱上游重鎮焉段燦有金口鎮卽汝南

舊治記又有淵明過塗口記言之甚悉俱載藝文志中
賽湖在縣東五里荷時翠蓋薰風白蓮曉月殊饒勝概

南湖在縣南十五里

鳥鎗湖在縣南十五里涸時爲習鳥鎗處

王家湖在縣南四十里

湯孫湖在縣南四十里

黃家湖在縣南四十五里

游家湖在縣南五十里

八分湖在縣南六十里

清寧湖在黃家湖西南湖濱有清寧寺

余家湖在縣東北五里

江夏縣志

卷之一

山川

二十一

沙湖在縣北一里

東湖一曰郭鄭湖在縣北二十里

西湖在縣北十里

白楊湖在縣北十里一曰北湖口

大山湖在縣東七十里一曰前湖

吾塘湖在縣東六十里一曰後湖

仙人湖在縣東南九十里

團山湖在仙人湖東

東梁子湖在縣東南九十里省脉自興國桃花尖來數

百折至賀勝橋則界水分焉西則爲西梁子東則爲東梁子其水可通者興國大冶武昌江夏凡州縣四凡岔九十有九凡湖中之山九十有奇其最勝者曰青山梁子山三山石壁山同山月山南蓮山北蓮山黃陵山非筏非艇不可渡水深魚美林巒隱蔚其中蟹斲漁榔菱歌蓮唱鷗波澄碧螺髻浮青邑東南接壤絕勝地也
驚磯在縣南六十里
裏河在望山門外今呼巡司河西通大江一曰鮎魚套其口曰鮎魚口

江夏縣志

卷之一

山川

二十二

陳公套在裏河上游明宏治中知府陳晦修鑿管家舊套於是水繞城南都邑增勝風藏浪避商舟泊焉

白楊夾口在縣北陸游記曰距鄂州三十里陸行止十餘里

黃鵠磯卽黃鵠山麓一名汝南磯古稱禹功磯後訛爲呂公磯元林元大禹廟記世祖南巡駐蹕黃鵠問磯何名呂公父老對曰唐有呂道人吹笛其上故名又問唐前何名無對者再三問一人曰聞諸古語是禹功磯後人訛稱上躔其言嘉獎久之荊州圖經云夏口城因磯

爲墉枕江流而峙激浪噴震舟人恒危之昔侯景沈鮑
泉於此前有弱水一規每風濤恬息時試以木屑羽毛
無不沈者

紅石磯在文昌門外當江水之衝磯在水中冬涸始見
波流滿激浸嚙城岸鑄鐵犀鎮焉今旁號烈女渡爲馬
烈女投江處

蕭山磯在中和門子城蕭山下石壁森然尚存古舟師
篙跡

青山磯在縣北三十里多碎石及淺灘見陸游記

江夏縣志

卷之一

山川

二十三

梅花磯在觀音閣下一曰觀音磯

鐵石磯在鮎魚口外

龍牀磯在縣南五十里瀕江竦崎怪石嶽嶽

化鼉磯在湯孫湖內

羅漢石在鮎魚套岸側

鸚鵡洲城西大江中黃祖殺禰衡處衡嘗作鸚鵡賦故
遇害之地得名上有禰處士墓梁王僧辨擊邵陵王綸
軍至鸚鵡洲又攻侯景於郢有龍自城出五色光曜入
鸚鵡洲水中卽此地按陸游入蜀記云洲上有茂林神

祠遠望如小山則宋時洲形頗高後雖淪沒每秋冬水落猶有洲形後寢崩陷今漸滅不可復識矣

金沙洲在城西南明時百貨雲集商舟輳泊兵燹後俱移漢口

白沙洲與金沙洲對洲多沙磧橫亘水面爲會城障蔽今漸就崩卸入漢陽河泊所小舟合成大洲江夏錢糧無著經憲勘斷歸江夏更名補糧洲

新淤洲在鸚鵡洲下明永樂十年楚府立水母祠以鎮之

江夏縣志

卷之一

山川

二十四

黃鶴洲在縣西北三十里

張公洲在縣東二十五里晉隱士張公灌園處

官船浦水經注江之右岸有船官浦歷黃鵠磯西而南直鸚鵡洲之下尾

黃公浦在鸚鵡洲下水經注云吳將黃蓋軍師所屯故浦得其名沈攸之謂暫泊黃金浦蓋聲之訛也

土城浦在雞翅山東見水經注

南浦在縣南五里水出景首山西入大江冬涸夏溢按南史邵陵王綸出南浦施安帳幄無何風起飄沒於江

陳後主禎明二年夏四月郢州南浦水黑如墨宋寇準有詩見藝文今名新開港

沈子澥在夾山里乾道初才人李沈構書齋於寶峯寺左後人以其名稱之

馮子澥在夾山里有馮家莊爲馮司徒宅水以之得名豹子澥在西徑里有豹澥橋

液泉在後所營天主堂側

卓刀泉在縣東十五里關帝廟中世傳漢壽亭侯行軍卓刀得泉明楚昭王蒐而飲之味甘冽爲甃石覆以亭

江夏縣志

卷之一

山川

三十五

亭前有拜將臺

馬跑泉在縣東二十里南湖濱

飛錫泉在八分山唐貞觀時駱禪師飛錫騰至此創建寺山半卓錫成泉久旱不涸

鹿跑泉在鹿泉山舊志謂在六老山者非

烏龍泉在縣南七十里逕八分山南五里入常家山頸山行十五里漸聞水聲淙淙出兩峯間者是泉也新建龍王廟峯回路轉一望巨石夾道或立或伏苔蘚映人泉在泥淖中爲蛟龍壑不可近子午潮汐時濺沫高丈

許今有司旱禱必子午候以瓶取水疾馳而去每有雷雨逐之

楊公泉在縣南七十里兩山相對中出一泉在畝田內水湧可敵四五桔槔自西流出金口入江烏龍泉自東流出樊口入江

蘆花泉在縣南七十里鸚鵡鄉

桃花泉在縣南七十里石灰山口

除夕泉在縣南九十里湖東新市舖左峽山口中泉井方廣不五六尺深不三尺周環皆石板當右一面兩石

補湊石後數孔卽泉出源處水甚清妙瀾茗有異香分汲之可供百十烟用值每歲除夕亥時泉忽涸至初一子初復甯沸如常

泉田在縣南六十里泉出田間可灌數百畝不竭有寺曰泉田寺後卽泉山葉存仁祖墳在焉

靈泉在靈泉山靈泉寺右其色碧綠其味甘美漢朱桃仙見之曰此靈泉也不可鑿鑿之則雷雨至矣唐天寶末李舍人暄居此鑿之果然泉大旱不涸陰則雲霧覆其上平章李璣有記山西又有泉在筆格下涼馬坊前

十數畝方塘中傳爲龍湫洪武九年龍起水湧高數尺
山東亦有泉在花山下之龍塘灣乾隆庚午方士王某
禱雨於此投丈餘桃木符其中令人筆格峯下伺之自
其泉出卽暴雨二泉亦靈泉也

鳳凰池在縣東舊名義方

天鵞池在武當宮西

放生池在城內宋淳間郡守王齊疏請立

白龍池在黃鶴樓側子城上有殿祠龍神殿前鑄鐵池
深不盈尺濶五六尺其製方明隆慶六年沿江居民苦

火從形家言建池於上自有此池城下百十餘年不災
見楚會存書後有人設茶肆晝夜不絕火時城外多災
邑人白之官乃罷之至今不復災

白蓮池在長春寺內有泉二十四孔俱有石板覆之明
洪武末二蛟起池中蛟起處二石陷

磨劍池有二一在仙棗亭側一在頭陀寺相傳始皇淬
劍處

烏龍池在高觀山西今名烏魚池

曲池在縣東十五里長樂村梁太清間邵陵王爲太守

嘗集賓客於此做王右軍流觴曲水之勝故名

汲福井在布政司左明正德丁丑左布政使周季鳳濬
劉績有記

銅盤井在縣東昔有銅盤蓋底日汲不竭

義井在長街以鐵爲範有義井二字

蜘蛛井在鐵佛寺唐時有紅白二蜘蛛化爲美婦以媚
人故鑄佛鎖之

清風井在高冠山上

明月井在高冠山上

江夏縣志

卷之一

山川

二十八

銀瓶井在靈山寺內玉皇閣右土坪上磚石層封似墓
似塔昔岳娥聞父武穆之變抱銀瓶投此今在大士座
下雨輒泉湧

九眼井在閱馬廠照牆前

永府井在縣東捕衙署前

明井在鍋蓋營明睿一門靖節處

孟宗井在閩司署前昔孟母好樓居宗妻黃氏出奩資
買宅相傳卽都閩司署爲亭曰孟母亭亭成作井於前
母常憑欄而觀之人稱孟井後制置使孟珙因舊址建

祠鑄井者其遠孫也康熙丙子夏都闡陳正國偶坐假寐夢一長者修髯偉幹衣冠甚肅揖而進曰孟氏家在此久湮矣借公爲我治之因濬其井陳有記

官井在賓陽門外黑虎廟前

染井在保安門外

浪花井在洪山小塔下名曰無影塔水常沸湧如浪其下通江

四眼井在縣東十五里

鹿跑井在縣南六十里大觀山上禱雨輒應

江夏縣志

卷之一

山川

二十九

八分井在縣南六十里紙坊

蕎麥灣在城南十里每江漲成淵明時明經方日昇爲熊司馬故人以居瀕江澣苦水患將他徙熊適過之見蕎正盛爲言於當事外建子堤護之堤成方往謝熊笑曰何謝爲吾第幸君之蕎麥無恙耳遂傳其地爲蕎麥灣云